



碧鷄漫志 樂府指迷

詞源 詞旨

詞

源

張炎著

中華書局

叢書集成初編

碧雞漫志（及其他三種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

叢書集成初編所選
榆園叢刻粵雅堂叢
書守山閣叢書皆收
有此書三本相同粵
雅堂較其他兩種更
佳故據以影印

詞源目錄

卷上

五音相生

陽律陰呂合聲圖

律呂隔八相生圖

律呂隔八相生

律生八十四調

古今譜字

四宮清聲

五音宮調配屬圖

十二律呂

管色應指字譜

宮調應指譜

律呂四犯

結聲正訛

謳曲指要

卷下

音譜

拍眼

製曲

句法

字面

虛字

清空

意趣

用事

詠物

節序

賦情

離情

令曲

雜論

五要

詞源卷上

西秦玉田張炎叔夏編

五音相生

宮屬土君之象爲信徵所生其聲濁生數五成數十

宮中

也居中央暢四方唱始施生爲四聲之綱

商屬金臣之象爲義宮所生其聲次濁生數四成數九

商章也物成就可章度也

角屬木民之象爲仁羽所生其聲半清半濁生數三成

角觸也物觸地數八而戴芒角也

徵屬火事之象爲禮角所生其聲次清生數一成數七

徵社也物盛


大而繁社也

羽屬水物之象爲智商所生其聲最清生數一成數六

羽字也物聚

藏字覆之也

陽律陰呂合聲圖




聲生於日律生於辰日爲十母甲乙角也丙丁徵也戊己宮也庚辛商也壬癸羽也辰爲十二子六陽爲律六陰爲呂一曰黃鍾元閒大呂二曰太簇二閒夾鍾三曰姑洗三閒仲呂四曰蕤賓四閒林鍾五曰夷則五閒南呂六曰無射六閒應鍾此陰陽聲律之名也

律呂隔八相生圖

自黃鍾律爲宮從本律數八至林鍾爲徵林鍾數八至太簇爲商太簇數八至南呂爲羽南呂數八至姑洗爲角姑洗數八至應鍾爲

閏宮應鍾數八至蕤賓爲閏徵謂之七調



黃鍾所以宣養六氣九德也又曰黃者中也鍾者種也
又曰黃者中和之氣

太簇所以金奏贊揚出滯也又曰言萬物簇生也又曰陽氣既大奏地而達出也顏氏曰奏進也又曰萬物始大湊地而出之也

姑洗所以修潔百物考神納賓也又曰萬物洗生又曰姑心也洗潔也言陽氣洗物必使之潔也又曰姑者故也洗者鮮也萬物去故就新莫不鮮明也

蕤賓所以安靖神人獻酬交酢也又曰陰氣幼少故曰蕤萎陽不用事故曰賓又曰蕤繼也賓導也言陽始導陰氣使繼萬物也又曰蕤者下也賓者敬也言陽氣上

極陰氣始賓敬也

夷則所以詠歌九則平民無貳也又曰言陰氣之賊萬物也又曰則法也言陽氣正法度使陰氣夷當傷之物也又曰夷傷也則法也萬物始傷被刑法也

無射所以宣布哲人之令德示民軌儀也

大呂助宣物也又曰呂旅也言陰氣大旅助黃鍾宣氣而牙物也


夾鍾出四隙之細也又曰言陰陽相夾廁也又曰言陰氣夾助太簇宣四方之氣而出種物也

中呂宣中氣也又曰言萬物盡旅而西行也又曰言微陰始起未成著於其中旅助姑洗宣氣齊物也又曰言陽氣將極中充大也

林鍾和展百事俾莫不任肅純恪也又曰林君也言陰氣受任助蕤賓君主種物使長大楙盛也又曰言萬物就隕氣林林然又曰林者衆也言萬物成就種類多也南呂贊揚秀也又曰言萬物之旅入藏也又曰言陰氣旅助夷則任成萬物也又曰南任也言陽氣尙任包大生薺麥也

應鍾均利器用俾應復也又曰陽氣之應不用事也又曰言陰氣應無射該藏萬物于十二子爲亥亥者該也言萬物應陽而動下藏也

氣始於冬至律本於黃鍾或損或益以生商角徵羽陽下生陰陰上生陽下生者倍其實三其法上生者四其實倍其法故黃鍾長九寸倍之爲十八寸之爲六而生林鍾之長林鍾長六寸四之爲二十四寸之爲八而生太簇之長此律呂損益相生之說也



律呂隔八相生

黃鍾爲父陽律三分損一下生林鍾

△八

林鍾爲母陰呂三分益一上生太簇

八又

太簇爲子陽律三分損一下生南呂

又九

南呂爲子妻陰呂三分益一上生始洗

八一

姑洗爲孫陽律三分損一下生應鍾

一八

應鍾爲孫妻陰呂三分益一上生蕤賓

八二

蕤賓爲曾孫陽律三分損一下生大呂

七四

大呂爲曾孫妻陰呂三分益一上生夷則

四四

夷則爲元孫陽律三分損一下生夾鍾

二二

夾鍾爲元孫妻陰呂三分益一上生無射

一〇一